

三洞讚頌靈章卷上

鳥

三洞讚頌靈章卷上

鼻

玉清惠命頌

稽首玉清元始尊稽首金闕虛無帝包含造  
化運陰陽極處自然無疑滯生天生地生人  
物五色祥光隨處慧度人无量不思議敢仗  
祥光來拯濟歸命東極宮中尊歸命十方救  
苦尊毫光遍照三千界智慧潛通五苦門常  
以廣大威神力慈悲救苦濟亡魂指迷惡道  
返歸真法橋大度永長存

華蓋玄謁真凝炁章

幽微藥宮爲仙宅道貫樞靈圓景白飛根散  
葉翳翠條妙炁三華貫幽徹鬱靈杳淑真人  
墟雲景眸奔通烜赫泥丸三五合靈芝結珠  
固精神炁活飛煙妙霤却殘克鍊獲飛仙去  
否厄太玄太和在右府紫清真人道爲主中

易八

虛恬淡自怡然返老還胎導玄圃知雄守雌  
資天機回反乾坤鎮中主飛玄神炁合青玄  
含藥吐芳明子午鍊養靈根不復枯萬靈朝  
會羣陰覩琅音玉霜灌死體徘徊沉默須周  
普擒龍捉虎坐殿輿隱韻流音遯妙府黃華

朱醴濯陽精萬道炁爲羣仙舉

妙英飛爽集玄炁章

道貫青玄集素瑞靈寶飛真瓊妙炁生魂育  
魄返金容五藏生華凝景翠三田飛鬱映華  
峯寶曜玄黃端拱會提攜日月運璇璣九炁

發春揚拆地含和吐藥曜金蓮驪龍吐珠呈  
彩翅鸞鳴鳳翔對上賓虎嘯虛岩華曲麗洞  
觀三界百關明六緯七經齊天地飛靈煥景  
擲炎靈東井天河灌幽渭九龍奔躍蹇寶園  
圓景燦煒總翹轡飛霞採集咀玉根景景胎

仙生萬彙千災却消摧凶殘幽室光明何所  
繫紫華混合青玄宮電掣雷奔絳霞闕雲臺  
碧落黍米珠導達光玄煥二炁注念左府悟  
玄機反覆陰陽成上位

青靈九炁君頌

鳥八

二

東華吐靈鳳西宮扣瑤音三炁結空洞太虛  
生中心靈書披七條寶文翠華林鳳福逐天  
響六時應節吟上有度命童煥夜朗長陰萬  
劫保形明眇眇莫能尋長鍊不死年與運同  
浮沈日月照靈魂璇璣向東南九星落形影

寶花生五心自有不彫神與我契丹金赤書  
檢籍炁玉訣妙自陳朱宮有綠籍魔神莫能  
侵

丹靈三炁君頌

絳雲翠玉虛靈風披太微遼遼六炁降眇眇

吐靈輝乘我日中影披轡順天迴朱童披靈  
夜洞陽鍊落暉玉章度促年靈歌五神開長  
浪无絕景一念入九圍億劫超幽期革命不  
彫衰飛天披重關南宮朗凶機朱陵定絳籍  
神備便形飛七祖上生天福德高巍巍輪轉

歸  
空洞魄出我九玄扉  
夜景披朝陽飄飄乘運

皓靈七炁君頌

琨臺生琅音玉炁遐七冥寶章洞太虛攝真  
入无形錦雲翠朱日圓華逐月生混合自然

鳥八

三

炁迢迢九遐清六慧純梵行五神有高靈絳  
宅耀朱景萬劫不彫零長存好生君太乙合  
黃寧保命度符籍鍊魂金華庭引歸不死炁  
飄飄乘運生七玄入南宮枯骸更鮮榮長樂  
登雲浮高飛戲彩輶逍遙大羅外三界莫能

輕

玄靈五炁君頌

飛步入北清把真招上元乘景望玄臺四華  
生錦雲中有採芝童羽衣何紛紛長歌九命  
籍金籙赤書文十絕遶華庭飄飄度命幢綠  
蓋乘風迴丹霄拱瓊軒為我造上皇拔錄九  
夜門度命朱陵闕長保億劫椿留神營絳府  
赤子明玄關受形不死炁自然生寶魂七祖  
度南宮世世福慶門

青玄凝真導魂章



玉京萬法大羅尊千重寶梵億玄言碧霞絳  
雲引衆道玉闕金閣敷真文偃定高真遊飛  
空八極飛神度無邊鬱鬱昭昭萬炁中吐聲  
如嬰炁成紋振動梵天是空道靜明法曜惟  
慈雲超簡昏衢北羅酆列上金簡還靈明炎  
炎火池成清涼解刃挫鋒悉摧紛豁散業境  
空法身保召罪性來吾壇天尊經濟本无際  
萬天萬地成真元莫有不從不化度超凌三  
界佐虛玄隨心所召隨心歸仙信梵音如甘  
泉一聞百骸解熱惱朱陵開度成飛玄超凡

大道入慈悲不濯巨細惟翩伶華夏泠泠引  
汝魂逍遙獨步紫虛天

金真章

天魔乘空發萬神駭神庭託化謠歌章隨變  
入无名囂塵何紛紜穢道當塗生雲合結朱

鳥八

四

空北帝湧神兵鼓極自知道玄運來相征上  
景御飛轡迅駕檢雲營促校北帝錄收執羣  
魔明豁落張天羅放威擲流鈴金真護空洞  
玉光煥八冥金符守上宮神精戮天精剪滅  
萬妖烝億億龜齊齡上承九天信嘯命靡不

傾招真究三洞惠誦朗日清八道望玄霞七  
轉緯天經洞合帝一真拔度七祖程削落五  
苦根反魂蒙受榮金光耀寂室神燭自然生  
香花散玉宇煙炁徹玉京帝遣徘徊輩三元  
降綠輶迅駕騰九玄朝我玉皇庭

玄掖振雲袂飛空樂未央高步七寶林逍遙  
天衢長迢迢玉京山瓊臺耀飛梁仰觀黃金  
闕俯窺白玉牀中有黃老君紫炁斡天章宴  
坐捧生籍綠筆紀華陽萬劫長無期超凌不

死鄉

雲衢耀明景瓊田植紫芝神風翔高濤琅琅  
聲何悲三華覆八圓梵炁籠玄機至道參寥  
廓招真凌雲飛吟哦懽禧燦閨風映崑池下  
有招仙子千劫戲雲衣不老游萬天十極雲  
霞樓

鳥八

五

紫蓋榮神麾朱霞映清微鬱儀煥丹極結璘  
耀玄輝神風挹三素九老揚雲旂俯仰重霄  
上宴樂服靈虛攜晨朝玉賓西華羅高墀窈  
窕方諸宮青童躡雲墀旋步歌丹鳳朗嘯葉  
雲飛

西宴瑤池湄東遨蓬萊津倏忽越桑田暘谷  
耀朱晨龍旌曳千林寶蓋迴九真流鈴煥中  
黃握節斥魔氛萬仙拍手笑清歌浩无垠翹  
傾觀太无齊齡太上賓

檢仙尊帝一金書妙雌雄高奔契八素混合  
百神功二老兩仙王五靈符籍同神光耀金  
樓妙哉雲烝重是謂大洞法九真步玄空金  
津和玉液咽服瓊樹豐鬱羅朝太上揚袂歌  
天風

乘烟結霞友御轡歌寥闕北登廣寒宮玄英

玉練顏飛步天津上雲璈鳴鼓彈龍輶駕虎  
楸朝揖扶桑暎夕憩琪林影攜提控九玄遨  
遊太空館徘徊運朱輪受書登南丹長歆億  
萬春

朝登太微宮夕憩常陽臺天風扇清冷采駕  
五雲回星珠羅碧漢綽約流九垂眇莽御明  
煙圓霄宴玉墀神虎攝萬魔靈威煥巍巍金  
真檢雲營玉室映靈堦丹丘无圓方竒哉仙  
真才

泛景宴紫清雲旌儻丹霄遐觀瑤臺上鈞天

何迢迢流風煥騫樹神光耀瓊樓仰喻玄珠  
華金書輝層洲萬天拱四皇羽履迴煙輶八  
浮羅鳳蓋琅樹映飛颺霞墉帶神畿千齡如

一朝

琳琅魁華晨九遐凌非煙左顧招无英右盼

鳥八

六

揖白元神光御玄素黃老俯芝田吉光駕飛  
乘遊戲控流輶高皇覲紫微恍朗遊萬天春  
秋无彫謝千劫窮遐年至真无所得攜提靈  
景仙

青帝歌

東望重拜手蒼帝玉皇君靈風鼓橐籥育物  
布元春雲龍轡嚴駕玉衛擁瓊輪枯萌泛霜  
及大惠无不均萬仙歌以道委曲戒天人心  
根迷自固拱跼戴洪仁

白帝歌

六甲抱金闕七政守靈壇流鈴擲火化威劔  
巨龍蟠邈彼素靈真明憲孰敢干束制妖鬼  
魔凜落霄風寒沴烝既已息萬天俄而安真  
儔荷大芘抵頽相歌歡

赤帝歌



太景開玉樞洞堂啓金除騫林廕瑤砌丹鸞  
踏瓊株寶房名曲麗明璫神所居飛遊豁雲  
道引目盼真都天日永不夕重烟鎖青廬太  
上敕印開帕几羅簡書

黑常歌

鳥八

无質統有物淵兮上帝心不啓不發道蘊妙  
化機深恐爾漏未盡陰想忽浸淫輪轉元涯  
波苦道相迷尋萬年常謹約一旦自湮沈无  
冲落鬼境殃譴不可任

黃帝歌

萬天拱中宸控駕玉池根翹機貫億曆洞朗  
闢四門大有混皇真糾制星宿塊非帝道不  
運有方賴之存威忿即霜秋和豫爲陽春生  
成握元紀仰荷戴无垠

青帝消魔讚

洞耀育元精青華開大明布育九天炁始生  
荐无英扶陽通攝御丹林合總真積霄始暉  
上鬱壘明霞晨靈光煥羅絡衛育保形魂混  
化合玄景仁惠消魔羣萬徧道已超功當奏

上清

赤帝消魔讚

三炁藹靈闕明虛煥玉丹朱陵有帝真華雲  
飛絳輶統御萬界中撫運超億千執策按簡  
錄洞章敷神篇解結散禍根流金摧兇姦志  
能成此道魔試俱無前保度冥劫津宴盼无

窮年

白帝消魔讚

西靈回七度太眇鬱明華白元維我神皇真  
御景霞皎皎三素暉昭昭破百邪攝音延至  
炁金晶育三田鍊結固玉質寶曜映瓊鮮魔

精當滅試逮地无沈連逸轡高  
清館齊輪太  
上仙

黑帝消魔讚

北玄三秀藹太上紫皇居總炁攝幽棲造化  
敷靈網下統虛危精寶育天元房靈通太妙

鳥八

神纏羅衛百關豁落滅魔試凶災永不干大  
道保自然壽命无虧殘萬劫享慶會白日登  
雲輪

黃帝消魔讚

混化歸冲妙元皇總帝靈真老閉黃闕四御

齊玄鈞圓華太張上同攜堅王君結津固百  
骸瓊耀擁胎仙晨暉注明景魔應自滅形萬  
道保无虧返老回童嬰五會合一炁飛馭超  
雲京

龍漢始青玉曆寶頌

九陽迴妙炁三景散元精碧靄浮靈篆青林  
粲淑英超遙玉清府遼邈蓬萊瀛真化通无  
間神風滋萬生

赤明丹光玉曆寶頌

浩劫開神運龍文泛赤霞八威奔電激九鳳

破兇邪鍊度丹皇室飛昇元始家炎明常繼  
照靈慶集晨華

上皇中靈玉曆寶頌

混黃生一炁感化結真形上德持柔順含光  
洞杳冥建中該九極執本統三晨煒燁天端

馬八

九

上飛芒曜玉靈

延康素靈玉曆寶頌

皇老儲靈粹金精曜斗威六天咸馘滅萬寶  
復幽微爽炁浮高闕寒光藹素輝空同披玉  
勒華麗九霄飛

開皇玄上玉曆寶頌

五炁符元妙諸天混太冥辰精飛羽黑玉女  
散華青紫策封天寶玄光凜帝庭羣魔欽至  
化萬國保安寧

空洞靈章

飛玄紫炁凝靈根網維玉虛總萬神空中鬱  
勃結自然上有稜層十二傳玉樓戔戔耀景  
雲流精紫闕帶金軒瓊堂瑋鏤繞八騫中有  
青金九靈仙丹皇真母號精延飛青羽褕晨  
嬰冠手執玉節握靈幡五色命魔對帝尊把

持符籍當生門咀日嚼月喻醴泉離羅吐輝  
鍊五魂內充外溢絳府欣金光煥煥形正圓  
從朔入金色渾淪唯有開明曉此言日五月  
十朝北元刻見華蓋領仙君紫炁左迴與斗  
連歷度四七入金門正是丹皇校萬仙有明

此訣加精勤秘念密思每令分妙景感會得  
要文三年當審保長存九年乘空駕羽裙鳳  
衣輕翔昇龍山俯仰九靈謁玉晨得為靈寶  
大真人

東方玉晨君讚



森廓連華闕神尊帝一真靈虛交日月玄覺  
照冥津玉關回運數梵炁啓都明麾播揚洞  
唱天君秉化輪金華領仙籙鬱帶龍山宮寶  
秀煥珍景宴戲高上墉霏煙散妙靄陶精養  
我形飛天觀劫會讚詠元始文太極建青籥

鳥八

十

晨輝布發生爽耀應穹觀熙怡存玉嬰皇育  
旋景輿昇度七祖魂彌範流飛網周維天地  
根祥霞翳霄仞紫館真人君軒奕清玄府滅  
試推邪兇道應混高元神結泥丸精靈丘三  
素雲羅耀交琳峯七九齊至用三五合同功

併協沖和德變鍊超仙宗

南方玉晨君讚

和陽煥明奕炎暉玉鍊顏虛梵隱玄邈空朗  
昭神功九華破幽錄四極延生津黃房晨景  
居綿綿保長存窈窕騰月妃萬界超劫輪混  
洞翳玉書龍漢明耀晶神文攝六天察制妖  
魔羣邪試莫我千列名標上清超度五苦難  
逍遙玄仞峯飛神開大運明觀九雲重南上  
鍊我魂旋蓋遊騫林汎靄纏虛網十轉回天  
關大魔咸來賓入景朝紫微龍淵注東井黃

華養我真大羅无色光寂度无窮人朱靈協  
至炁太和昇福堂玄臺映鬱蕭誦洞導西靈  
神公布玄範反嬰齊自然

西方玉晨君讚

洞陽映霄闕受度好生君靈童火鍊攻福館

鳥八

十一

涉生津太漠明道彰真人翔景雲高清希元  
化蕩穢除妖氛接我琅碧輿昇入微妙門揚  
輝浩極家洞耀九玄真造化回幽闕杳眇固  
靈根景皇連鬱秀檢校超仙魄蕭仞白元子  
洞攜列帝賓始皇天中王寂寂虚无庭玉晨

張大範流慶滌我塵穹樓演洞唱收魔束鬼  
形三元分化祖九度悉宣陳阿丘馳素斬那  
邪契所緣彌羅大聖神更生陞福筵逸化乘  
運歸削死永合歡瓊府魏我境森扶靄華騫  
雲牙揖三暉享此億遐年

北方玉晨君讚

開化無上神霄度凝玄炁陽華真一精太和  
育妙慧九靈鎮西崑機化停樞會鳳車升羽  
輪越此大劫津雲阿擁圓皓育生天神君受  
符羽林宮藹秀靈霞襟空霄飛玄章接舉身

超騰天統攝八耀開度九幽魂蘭宮連紫微按  
格昇朱陵南宮有妙童琅輝鍊我形蒼霞浮  
綠輦稱慶拱高尊靈風泛洞響可寶无窮齡  
九仙頒運籙釋散宿業根流網抗虛梵廓達  
歸无名大混百骸紀徇煙合紫雲慶垂七葉

鳥八

十二

孫禍塞三徒源解帶離塵網齊轡道遙賓倏  
忽登龍臺稽首玉帝前

三洞讚頌靈章卷上



